

靖安縣志卷之十六

雜志

天地五行之氣有正則有閏文章著作之規有正則有雜閏者所以歸其奇雜者所以補其餘易之雜卦禮之雜記固其義也維志亦然蓋一邑之事繁而不勝紀矣舉其大者各列爲專門外此如災祥事變以及瑩墓仙釋叢談逸事之流紊然無所比屬附則贅畧則疏彙錄之以別爲一編信以傳信疑以傳疑亦輯亡補軼不廢參稽之意歟

仙釋

靖安縣志

卷之十六

雜志

一

神仙荒渺儒者難言靖自宋以前人物多無可考惟羽客縑流其軼乃時時見他說豈眞山水竒奧足爲異人窟宅與然如馬祖之大倡宗風善權之得傳詩派其名又烏可佚哉

三國

葛仙卽稚川楚人漢末隱於盆田山中草衣木食逍遙物外建昌都尉太史慈追盜至此與葛遇知其非常人與之共飲食問以休咎握拳不語而去人知而跡之虎豹環其側不可近矣

舊志

案安志云葛生不知何許人隱於新吳山豫章記云靖

安有葛仙山仙本楚人漢末隱此或云卽葛洪山有洪煉丹壇飲馬池舊志蓋本於此然考之眞仙通鑑葛元以吳赤鳥七月上昇太平御覽太平寰宇記俱載弋陽葛山有葛元塚江右多其修煉遺跡此事在吳桓王時或卽爲葛元歟洪則元之從孫也

晉

劉懿眞晉女冠也東晉時已五六百歲治長生術常誦黃庭大洞經修煉於棲霞觀顏如童子遊諶母嶺得仙術復歸觀歲餘忽聞空中鼓樂嘹唳飛昇而去丹井寒泉猶存遺

蹟舊志

靖安縣志

卷之十六

雜志

二

案安志建壇葛陽山之麓後白日冲舉今靖安有劉仙觀眞仙通鑑劉仙姑名懿眞靖安人年數百歲貌若童子諶母嘗稱之眞君往見則已飛昇矣遂留寶水華車遺之車因風飄舉三日而下因名其觀曰華車碑碣猶在今號棲霞觀又考通志棲霞觀於宋治平間始改名則竟謂懿眞修煉於棲霞觀未免小誤

甘戰字伯武許旌陽弟子十眞人之一陳太建元年正月七

日飛昇

眞仙通鑑
太康元年正月六日

舊志作靖安縣西北丹仙觀爲戰故

宅豐城縣南白鶴觀是戰得道飛昇處

名勝志

案此則眞仙通鑑謂戰爲豐城人誤矣

唐

李元基唐武德中隱葛山有道術能坐在立亡人莫之測時時經行以符藥救人探虎骨針鵲影活魚鱉甚衆夜露宿草野中代宗末插松柏滿身飛去後有人採藥葛山中見元基跨青鹿其行若飛問之不應莫知所之

舊志

案此傳皆真仙通鑑原文惟於代宗末下摘去在建昌縣中五字時靖安正屬建昌懸也

文蕭虔州人唐太和中應舉不第回至洪州遊葛仙壇忽遇仙女吳彩鸞同至盆田見其山水秀麗遂於此修真白晝跨虎而去鄉人立祠祀之有禱輒應名文吳二仙宮

舊志

靖安縣志

卷之十六

雜志

三

案豫章書吳彩鸞傳及裴硯傳竒皆未言其至盆田山惟明一統志載有畱丹奉新藥王山之事兩境相距不遠或曾一駐仙蹤究之此事杳茫虞伯生寫韻軒記已辨之詳矣

道一漢州什邡人姓馬氏故稱馬祖得法於南嶽懷讓

讓得法於

曹溪六祖

自建陽佛跡嶺遷臨川次至南東龔公山大曆四年

開道場於鍾陵開元寺洪州廉使問曰喫酒肉是不喫酒肉是答曰若喫是中丞祿不喫是中丞福龐居士蘊嘗參道一曰不與萬法爲侶者是甚麼人道一曰待汝一口吸盡西江水卽向汝道居士大悟遂廁門徒焉貞元四年二

月一目沐浴跡跌而逝元和二年賜號大寂禪師塔曰大莊嚴之塔景德傳燈錄懷讓參六祖祖曰西天二十七祖波若

多羅讖汝足下出一馬駒踏殺天下人蓋指馬祖也釋氏稽古

錄先是師嘗經由建昌泐潭之石門愛其山水竒勝洞壑

平坦顧謂徒曰吾朽質之日歸骨於此至是門弟子奉靈骨舍利藏於石門寶峯院相國權德輿爲之碑得法弟子凡一百三十九人各爲一方宗主轉化無窮禪宗至此大

盛於世佛祖通載

國朝雍正十三年

加封普照大寂禪師致祭一次舊志

靖安縣志

卷之十六

雜志

四

案佛祖通載一則與權文公馬祖塔銘所云吻合

常興住靖安泐潭寺南泉至見師面壁泉乃拊師背師問曰汝是阿誰曰普願師曰如何曰也尋師師曰汝何多事師爲六祖下第三世指月錄

法會六祖下第三世嗣馬祖住靖安石門泐潭寺問馬祖如何是祖師西來意馬祖終不言法會默悟繞法堂一匝而

去指月錄

惟建六祖下第三世嗣馬祖住泐潭師一日在法堂後坐馬祖見乃吹師耳兩吹師起見是祖卻復入坐祖歸方丈侍者持一盃茶與師師不顧便乃歸堂景德傳燈錄

道虔福州侯官人姓劉氏受石霜印記化徒於九峯後住泐

潭而終諡大覺禪師塔曰圓寂

景德傳
燈錄

水潦和尚不知其閭里族姓天寶中始至洪之石門見諸峯
蜿蜒若龍蟠者愛而築室居之後馬祖自豫章來泐潭師
往拜之問佛法大意祖蹋之仆地師忽大悟起笑曰也大
奇百千三昧無量妙義祇向一毛頭上識根源去住語具
見傳燈錄自是學徒雲集易庵爲毘盧院

釋大訢毘
盧院記

宋

懷澄南嶽下嗣五祖戒住泐潭

石門山志

黃龍南初依泐潭澄禪

師分座接物名振諸方

普燈錄

靖安縣志

卷之十六

雜志

五

曉月原字竺卿明教契嵩禪師爲易字公晦得法於瑯琊覺

住泐潭一十五年初殿前雙閣契嵩爲之記

石門山志

常總劔州尤谿施氏子初至禾山依禪智才公聞南禪師之
道依歸宗歸宗火南公遷石門又遷黃蘗積翠以至黃龍
總皆從焉密受大法叢林宗之洪州大守榮公修撰請住
泐潭其徒相謂曰馬祖再來也元豐三年詔住東秋賜號

照覺禪師

佛祖通載

克文陝府鄭氏子嗣黃龍南詔往建康報甯寺賜號眞淨禪

師崇甯元年趺坐而逝舍利分葬泐潭新豐

碑記本傳

雲庵宋

眞淨文禪師退居之所覺範所謂曾學雲庵逸格禪者是

也塔在寶蓮峯下覺範又有十年不掃先師塔聞有雙桐

護石根之句

石門山志

文準字湛堂興元府梁氏子初謁真淨文淨曰近離甚處師曰大仰淨曰夏在甚處曰人瀉淨曰甚處人師曰興元府淨曰我手何似佛手師罔措淨曰一切現成更教誰會師當下釋然服勤十載所往必隨紹聖三年隨真淨移石門顯謨李公守豫章請開法雲巖未幾殿中監范公帥南昌請居泐潭政和五年示寂得舍利塔於南山之陽石門山志妙喜杲禪師趨寶峯謁湛堂準湛堂見杲風神超邁特加器重使之執侍指以入道捷徑與李彭商老同參妙諦湛堂

靖安縣志

卷之十六

雜志

六

入寂杲重趺荆渚謁無盡居士張商英請銘

佛祖通載

案李商老南東人列江西詩派圖石門山志謂是邑人政和八年進士官至郡守是卽呂延年矣然呂令蘄春非郡守也殊誤

德洪字覺範初名惠洪姓俞氏高安人

通志云新昌彭氏子

少孤受學

能緝文年十三出家依三峯禪師十九試經東都落髮受具聽宣秘律師講華嚴經歸事真淨克文七年盡得其道案覺範石門詩集有由雙林至寶峯寺五古一首其祭雲庵和尚有云紫霄之下泐水之湄前後七年雲起龍

佛祖通載

淨遷石門師隨至所著有石門文字禪註等書

石門山志

隨是覺範居泐潭亦久矣

福深嗣法眞淨文禪師造天書閣於祖殿後承閣之下名曰

選佛堂張商英爲之記

石門山志

景祥南城傅氏子師每义手夜坐如對大賓初坐手與趺綴

至五鼓必齊膺因號祥义手塔在寺西塔坑

石門山志

案通志景祥住浮山示寂無藏塔泐潭事然其爲寶峯住持則見於洪邁夷堅志中

又案寶峯名剎白馬祖後住持茲山者類多名德尊宿茲就石門山志所輯參之傳燈錄五燈會元擇其最著者登之他如闡提惟照泐潭印乾尙不及載亦可見叢

靖安縣志

卷之十六

雜志

七

林之盛矣

善權字巽中邑人姓高習禪定住雙林寺能詩與東溪賴可叟齊名徐俯跋其詩軸云巽中下筆豪俊峻嶒余每誦之輒能興起蓋得李北海字外出骨中藏稜之意有眞隱集黃庭堅爲之序後舒邦佐復序之以傳世呂居仁敍江西詩派圖二十五人權居其一

案舊志詩跋作東坡語茲據舒平叔序定爲徐師川

國朝

僧光臨不知何許人縣北石霞村有迎禧觀舊爲道院雍正年間有二僧攜一徒居此徒卽光臨也後遂爲是觀住持

平居不冠履飲食取其最惡者見客食器有餘粒必掇取
噉之竟夕坐蒲團不寐人謂其癡奉新三元觀鄒道人病
顛久矣與光臨數往還乾隆二年正月十一日冒雨至縣
市觀鄉人賽社暮回觀中語達旦不休次日同捨身楊鶴
坪之天香崖鄉人蹤跡得之僧趺坐半崖石上道人仰臥
草中鼻上舉體完好如生

熊銓僧光
臨傳畧

瑩墓

一抔之士屹若嵩華重其人焉故耳舊志所載特存
矜慎今亦不復增益諛墓之譏庶其免矣

宋

靖安縣志

卷之十六

雜志

八

兵部侍郎李大東墓奉敕葬熊仙都

案通志載在靖安縣北三十里象湖嘉定十七年敕葬
於此翁仲碑碣尚存鄉人稱爲李府塚

贈承直郎舒茂暨配李孺人合墓在東江都明右春坊右諭
德姑蘇吳寬志銘

知全州胡敦實墓在櫪榔山敷文魯豈志銘

司錄參軍舒邦佐墓在盆田都華文閣直學士中奉大夫李
大異志銘

翰林學士劉起龍墓在富仁都

鄉進士陰應夢墓在白香山

隱士劉子虛墓在桃源西莊坪

節判余炎午墓在盆田地

案通志載在沙溪山

元

舒廉夫墓在桃源山吳澄志銘

處士余尹武墓在棠棣都

明

尚書李叔正墓在大梓都編修蘇伯衡志銘

蘇州知府况鍾墓在富仁都神仙山萬家尾地方乾隆十一年奉文開明四至勤加防護計周圍貳丈東至大河南至

靖安縣志

卷之十六

雜志

九

山脚及大河西至小塢直上軟坳北至山頂

塋墓補遺

南唐

兵部尚書郎盧儔墓在忠夏都哨前

案五代時吳有李氏楚有馬氏甯武靖安地介吳楚之間公爲李氏守邊授正議大夫知制誥兵部尚書郎時靖安初建縣公守三邑累有惠政故歿後卽葬於靖安宋進士禮部侍郎端明殿士涂泰亨墓在熊仙都慶源里

祥異

一邑災祥詎必遂關洪範然令之政教或於此可徵

休咎焉史稱麥秀兩歧蝗不入境非循良之明效歟

宋

元豐六年洪州七縣稻已穫再生皆實宋史五行志五

紹興二十七年洪州大水宋史五行志五

乾道三年江西諸郡水隆興四縣為甚 四年夏六月隆興

旱 七年洪州旱 八年隆興府薦饑俱宋史五行志

淳熙七年隆興大旱宋史五行志五 九年秋七月隆興旱豫章書

十四年夏隆興旱豫章書 十五年六月隆興府大水宋史五行志

志

紹興四年六月戊戌靖安縣水漂三百二十餘家宋史五行志五

靖安縣志

卷之十六

雜志

十

嘉泰四年春隆興府大饑宋史五行志五

嘉定八年春旱首種不入豫章書

端平元年夏六月大風雷屋瓦皆飛鳥獸驚駭通志

案舊志載宋紹興淳熙嘉泰嘉定間皆大饑端平元年

風雷變故為考證

元

至正四年春正月隆興靖安縣雨木冰 九年靖安山石迸

裂湧水人多死者俱元史五行志

明

永樂十三年夏四月南昌府屬大雨壞廬舍没禾稼府志

洪熙元年夏四五月南昌府屬久雨水潦傷稼府志

宣德八年夏六月南昌府屬大雨淹沒田畝府志

正統五年春夏南昌府屬淫雨淹沒早禾 十二年南昌府

屬水災人民乏食俱府志

景泰七年夏四月南昌府屬淫雨自五月至秋七月旱傷禾

稼府志

天順二年南昌府屬久雨大水衝決民居淹損禾稼府志

成化元年南昌府屬旱府志 二年旱舊志 三年南昌府

屬自夏四月不雨至六月禾盡枯府志 十四年旱舊志

十五年春旱五月又大水舊志

靖安縣志

卷之十六

雜志

十一

宏治十四年大水 十六年南昌府屬水府志

正德元年大旱 五年民大饑遂起為盜有瑪瑙崖之變

六年三月日抱環珥白虹貫之 八年大旱 九年八月

朔日食晝晦星見咫尺不見人禽鳥投林踰時乃見 十

三年大旱六月有星自東南方向西北其光燭天有聲

十四年大旱俱舊志

嘉靖五年六月大旱 十九年五月大饑斗米銀壹錢 二

十二年雨雹如栗杏大 二十三年旱 二十四年饑斗

米銀壹錢知縣史載澤設法賑濟 夏五月泮池開蓮花

並蒂俱舊志 三十九年春三月南昌府屬水饑靖安尤甚

府志

四十年二月大饑山蕨探盡間有鋸棕屑度活者

主簿黃應徵設法賑濟 四十一年夏五月大水衝決民

居田產俱舊志

案斗米銀壹錢似不為饑想見當時米價之賤

萬曆十六年歲饑舊志

崇禎九年大水歲饑舊志

國朝

順治三年大旱五月不雨次年大饑斗米銀七錢舊志 十

年益田都壽民陳舜禹百歲眼見孫曾巡撫蔡士英給人

瑞額旌之舊志誤為明人附於選舉末據文冊更正 十年大雨雹舊志

靖安縣志

卷之十六

雜志

十二

康熙九年大水 十年旱 二十年夏陂都壽民張希文百

歲知縣鍾芝豫給扁旌之 二十四年多虎傷人六百餘

舍 二十八年旱 二十九年大雨山水漲發漂沒沿河廬

舍 五十四年六月大雨水衝決縣城西門外馬家洲淹

沒昭靈祠前田地百餘畝邑紳涂玠捐築隄岸捍之未幾

仍潰決俱舊志

雍正五年多虎傷人 七年四月初六大雨雹傷禾稼俱舊志

乾隆二年歲大有府志 七年秋分後衆水華 八年歲饑

斗米銀貳錢伍分民食禹餘糧 十一年六月縣丞署內

桃李華 十六年五月歲饑斗米銀叁錢署懸朱堂碾常

平倉穀平糶俱舊志 二十一年歲饑 二十五年旱 三

十二年夏南河大水 三十五年棠棣都漆能五妻李氏

壽百歲知縣楊瑄詳請題

旌給扁 四十一年六月不雨歲饑府志 五十八年七月

朔南北兩河大水衡塌田廬秋稼無收巡撫陳淮親臨勘
災

嘉慶七年夏大旱民食觀音土 十年五月大水知縣馬廷

燮捐俸撫卹 十三年閏五月大水 十四年礮坑都壽

民舒天成五世同堂知縣馬廷燮給予龐眉衍慶匾

十八年廂都耆民錢顯輝年七十二歲五世同堂知縣馬

靖安縣志

卷之十六

雜志

十三

廷燮詳請題

旌給扁 二十三年雨雹 二十四年南源都壽婦劉廣揚

妻易氏年九十一歲五世同堂代理知縣楊鳴謙詳請題

旌給扁 二十五年自五月下旬至八月不雨秋稼歉收

道光元年夏六月雨雹

道光五年大水決堤岸僉議築壩捍之 八年前任浙江金

衢嚴道舒慶雲親見七代五世同堂知縣宋慶賞具詳請

旌給予七葉衍祥匾字 十年童生黃元吉稟呈伯母黃李

氏年滿百歲懇備案入志知縣宋慶賞准備案 十一年

追里都儒士今 貲贈修職郎劉繼向妻贈孺人涂氏百

歲知縣宋慶賞具詳請

旌給帑建坊賜予貞壽之門匾字 南源都葉興連同妻曾氏五世同堂知縣宋慶賞具詳請

旌給予眉壽延慶匾字 十一年歲饑 十二年歲大饑民食觀音土 十五年原任直隸撫甯縣榆關巡檢舒英妻胡氏一百二歲知縣張師吉具詳請

旌給帑建坊賜予貞壽之門匾字 十六年南昌府屬蝗靖獨無蝗 十七年十八年多虎傷人 二十一年益田都李博盛妻游氏五世同堂知縣佛爾國春具詳請

旌給予黃耆繁衍匾字 二十一年冬十一月雨木冰 二

靖安縣志

卷之十六

雜志

十四

十三年李博盛妻游氏百歲呈准自行建坊 據案增 二

十六年旱自閏五月初旬不雨至八月秋稼歉收 二十

七年新興都鄭宜也妻高氏五世同堂 採訪新增

道光三十年富仁都壽婦劉世珩之妻况氏年九十二歲五世同堂知縣熙恬准存案

咸豐三年七月洪水決堤冲壞民屋 七年八月飛蝗過境

傷害禾稼 十月桃李華 九年富仁都壽婦鄭智木之妻劉氏年九十一歲五世同堂知縣馬長康准存案

同治元年春初雨水後水溪河凍堅可渡人 有豺虎傷人 二年富仁都壽婦鍾黃氏年九十六歲五世同堂知縣

陶黼昌詳請題

旌給匾 二年礮坑都壽婦陳傑仕之妻張氏年八十八歲
五世同堂知縣陶黼昌詳請題

旌給匾 三年有虎狼傷人 五年富二都壽婦况鳴瑞之
妻熊氏年八十七歲五世同堂知縣陶黼昌詳請題

旌給匾 五年富二都壽紳楊懷春同元配廖氏均八十六
歲五世同堂知縣陶黼昌詳請題

旌給匾 六年棠一都湯必清享壽百齡知縣陶黼昌存案
八年南源都壽民劉苻賢享壽百有三歲 呈縣存案

八年富二都壽婦曾羅氏年九十二歲五世同堂知縣

靖安縣志

卷之十六

雜志

十五

徐家瀛詳請題

旌給匾 八年大饑缺糶貧氓采苦聊生 九年礮都壽民
陳致源壽享百齡知縣徐家瀛彙詳題 奏待錫

旌揚 九年富二都陳引翠享壽百有五歲五世同堂知縣
准存案 九年富二都壽婦韓 壽之妻郭氏年九十一
歲五世同堂縣准存案 有豺狼傷人

軼事

小說方言史家不廢班孟堅所謂閭里小知者之所

及亦使綴而不忘者是也美惡兼收隱昭法戒豈徒以資談柄耶

張保義者本邑村朝山屠兒以建炎捍寇功得官貲產甚富乃戍志所書寶峯主僧景祥所識者寺旣焚燬張一力重口之又置田數千畝以贍常住張藏錢不甚多至築工庫數十所作貯積處平生享用自如閱三十年歲暮忽聞庫內錢啣啣有聲出戶外張持杖擊其門曰汝要去須是我死後始得如今大驚小怪作恁麼生卽寂無影響又數年乃死隣里咸見其庫錢晨夜飛山如蝴蝶然未幾居室百間一爇而空寶峯相去數十里旬日間亦煨燼不遺張氏

靖安縣志

卷之十六

雜志

十六

子孫雖存而生理不能百一矣

洪邁夷堅志

陰陽家有九良星煞之禁謂當其所值不可觸犯或誤於此方營建則災禍立至俚俗畏之特甚寶峯寺僧堂蠹敗不堪安眾長老景祥欲新之羣僧合言今年正值九良所棲無爲空取禍祥獨以爲不然曰神人一也皆欲安居烏有人不可處而神可處乎卽率衆往誦經白神請暫遷法堂候修造訖日還位踰月堂畢乃如前說復率衆誦經迎神歸故處後皆無他時紹興丙寅歲也至紹熙庚戌鄰寺大梓院議葺僧堂眾又以犯九良爲言主僧用景祥故事禱誦遷神一年僧行數輩相繼亡歿堂迄不就鄉人輕薄者

或因相倣罵詈以兩寺爲口實云

夷堅志

乾道辛卯歲江浙大旱豫章尤甚龍實之作牧命諸籍富藏穀者責認糶令自津般隨遠近赴某所每鄉擇一人爲隅官主其給納靖安羨門鄉范主者在此選張氏當糶二千斛以情語范曰以官價較市直不及三之二計吾所失蓋不勝多矣吾與君相從久宜蒙芘護盍爲具虛數以告官司他日自有以相報范喜其甘言且冀後謝諾其請爲之委曲張遂不復捐斗升門里皆知之而畏二家勢力弗敢宣泄壬辰秋大稔前事頓息范張由此愈益交歡癸巳春范以微疾卒將斂復蘇呼謂其弟曰我適入一公府殿宇

靖安縣志

卷之十六

雜志

十七

嚴峻官吏森列使我供責減壽二紀狀我自念平生無過惡拒而不從吏云前年汝爲隅官虛申張家賑糶穀二千石至餓死者若干人非汝罪耶我記得張家只認千石今乃倍之隨哀祈此吏放回取照遂得暫歸當應干文書盡寘篋中汝爲我檢索恐可藉手弟亟往取視果二千石范卽瞑目時年三十有八踰年張亦死

夷堅志

明禮部尙書李宗頤微時遇一神人體頎而形異問何神曰吾漢左將軍關雲長也昔仗義以扶漢鼎得侍上帝之廷今遊下界轄人間事宗頤曰聞侯長于吟咏請以壁間畫圖爲題可乎因聯吟得七言律一首筆削芙蓉清靄外

壯

銀河瀑布紫雲間

宗頤

仙翁策杖何年往

壯繆

漁父搖船

盡日還

宗頤

行旅載瞻彭澤岸

壯繆

釣竿長拂富春山

宗頤

只今俊彥當竒用

壯繆

天地何由知我閒

宗頤

舊志

傾伯律初見邑令甫弱冠令屬以對云一扇千鬚動况應聲

曰三梳萬髮齊令異之說者謂梳與蘇同音已爲三任蘇

州之讖矣

續餘冬錄

况公爲部郎時蘇人無故競傳公守郡三年後果如所傳

本集

撫遺

宣德乙卯正月余泰自縣夜歸至感古廟倦而睡覺忽見空

中有榜揭余泰二字是秋果中式

舊志

靖安縣志

卷之十六

雜志

十八

靖安袁姓人能化虎爲淫爲盜久之父聞而伺其出覆盂水而斫令牌遂不能返形後有見虎前一足乃人手者曰此袁某也衆射殺之嗚呼一念之惡化爲異類書傳所載可爲猛省而況學術以求之乎

徐世溥雨稗新瀾

靖安舒四長好拳勇閱數師矣顧自謂弗善去之金陵登某甲之門甲勇聞通國生徒甚衆居數年畧盡其技一日師徒遊大市遇樵者負薪疾過悞裂甲衣樵惶恐俯躬謝甲怒搯其面樵愠曰悞而謝焉亦足矣何遽搯我甲以己素力搯人無不仆者樵乃不仆且抗言愈怒遂拳之手未及樵甲反仆其徒皆駭然相顧莫敢近市人無不笑者樵責

讓數言徐徐負薪去舒異之潛尾出城數里得荒村茅屋一區樵者入焉舒拜於門外求爲弟子樵反顧訝曰子何爲者舒曰公適所仆者吾師也知公神勇故舍而從公請卒爲弟子樵辭曰無能徑入不出舒徘徊門外久之詢諸其隣樵者何人也隣人曰是嘗徙此莫知其姓名有母焉老矣日給於樵甚孝也舒遂歸旦日復往伺樵旣出登堂拜其母出百金爲壽母亦詫不肯納舒具陳己意欲母語樵使卒爲弟子母許之樵歸得母命且感其意謂舒曰苟有薄長敢不以相授然請兄我毋師我舒從之樵引至屋後有石坡甚峻軌轍如繩下有磴重三四百斤使舒掇之

僅能舉樵以足蹴磴輒而上及於坡頂輾輾而下又蹴之如是十數無困色曰筋力久弛聊以此當運甓耳飲舒以藥使習之久而能焉逐教以鍊形攝氣之法周身如鐵巨挺撲之皆反躍以腹貼牆壁及屋梁能行而不墜積十餘年乃辭歸賣漿豫章城遇人謙謹若無能者或言舒蓋無敵矣聞者多不信羣不逞詣之請與角舒謝曰諸公皆壯士余何能余何能請不已乃曰雖嘗學之然甚劣竊欲博觀諸公技勇使習而進焉幸甚眾許之相與之野外各呈其能舒觀而哂曰甚善衆欲試舒舒曰若欲試我者則毆我一少年應聲毆之甫引拳忽反仆少年羞怒出鐵杵悉

力擊之舒夾持其杵作色曰太惡劇是欲死我乎乃弛衣服僕而立曰來來共攻我我不畏於是手足器械交至如雨舒屹然受之衆紛紛墜跌黠者乘虛擊其腎如擊石焉衆始懼羅拜請長其曹乞勿揚於人以敗其譽舒笑曰吾以自娛耳豈欲與諸公競短長哉幸無慮此眾益服其量由是舒名噪一城接見賓友或把臂握手當者輒痛器具入手往往破碎其力如此今死矣死時遺紫血數斗甚慘楚藥故也嘗曰吾能氣行耳樵乃能神行不可及也樵蓋秦人嘗爲盜已乃改行變姓名遁居金陵奉母以終云

樂宮

譜耳食錄

靖安縣志

卷之十六

雜志

二十

後序

以邑人而志邑事非親族即戚里其是非果不謬焉否也雖然善固從長亦期徵信偏僻下邑文獻無多苛以繩之刻矣因地取材獨無堪以節取者乎歲庚午大府修通志檄府州縣各繕志稿徐侯杏農嗣府宰靖安延訂紳士銳意

重脩而不才與焉竊思靖邑志自乙酉戊申兩修後閱時未久編輯匪難因取近十餘年事附益之綱目稍為變更者遵新章也彙成初藁以待後賢考定嘗讀趙無聲甯志備考一書益信什史之難人善成之不得不厚望於諸君子同治九年庚午邑人舒孔恂謹識